




Abasirukale Abaroma baata akamanhiso ku magombe, era baasigala nga bagakuuma. Nga ghazira aghanga kungirayo oba okufuluma okuvaayo.



Nguli olufumo olwo lwali lukanga agho, kyandibaire kya naku inho. Aye Katonda yakola ekintu ekirungi ekyewuuhisa. Yesu tiyasigala nga mufu!



Mu nkyo einho ku lunaku olusooka mu saasira, abandi ku beegeresebwa ba Yesu baayagaana nga eibaale eryali ku munwa ogw'amagombe nga lyasiringisibwa lyatoolebwagho.

Bwe baalengeza munda baabona nga Yesu aziramu.



Ghaabaagho omukazi mulala eyasigala agho gha magombe nga ali kulira. Yesu yaamubonekera! Yaalumuka nga musangaavu inho, yairayo yaakobera bale abeegeresebwa abandi ati: "YESU MULAMU! YESU YAVIIREYO MU BAFU YAIRA!"



Embaga ey'Amazuukira Eyasooka

Tighaabita kiseera kineene inho Yesu mwene yaaja y'Abegeresebwa be yaabooleka obwala bwe nga mulimu enkovu edh'emisumaali. Kyali kituufu. **YESU YALI KABIRI NGA MULAMU!** Yaasonigha Petero olw'okumwegaana, era yaakoba Abegeresebwa be bakobere abantu boonaboona ebimufaaku. Bwe yamala yairayo mu igulu ye yali nga ye yaviira ku lule olwa **AMAZAALIBWA GA YESU KURISITO** agaasooka'.

Embaga ey'Amazuukira Eyasooka

Olufumo oluva mu Baibuli, e Kibono kya Katonda,

Lwagaanibwa mu

Matayo 26 - 28; Luka 22 - 24; Yoanne 13 - 21

"Okwinhongola omuntu ekibono kyo kimuleetera Obutangaavu." Zabbuli 119:130

Eyalughandiika ni Edward Hughes
Eyakuba ebifaananie ebirimu ni Janie Forest

Eyalukyusa mu Lusoga ni Daudi Waidhuuba
Eyalutuukania n'obweetaavu ni Lyn Doerksen

Olufumo 54 ku edho 60

M1914.org

Bible for Children, PO Box 3, Winnipeg MB R3C 2G1 Canada

Olukusa: Oli wa idembe okukoopolola oba okukubya mu kyapa olufumo luno kasita oba nga toja kulutunda.

Katonda aidhi nga tukola ebintu ebibi, Byayeta ekibi. Ekibonerezo olw'okukola ebibi kufa


Katonda atugonza inho Kuba yasindika Mutabane, Yesu, okufiira ku Musalaba asasule ekibonerezo kyaife. **Kabiri Yesu oyo yairamu okuba omulamu** era yairayo mu igulu! Buti Katonda aghanga okutusonigha ebibi byaife.

Bwoba nga oyenda okukyuka okuva mu bibi byo, koba Katonda oti:

Katonda Ow'ekitiisa, Ndhikiriza nga Yesu yanfiiririra era nga buti kabiri mulamu. Nkusaba oidhe mu bulamu bwange, onsonighe ebibi byange, mpange okufuna obulamu obuyaaka buti, olwo mbenga niiwe ebyanda n'ebiyanda. Nhamba mbenga omulamu kulwa iwe ng'omwanawo. Amiina.

Somanga e Baibuli era oyogerenga ni Katonda buliidhol
Yoanne 3:16


Lusoga



Ghaaligho omukyala eyali ayemereire ku mbali okw'olusozi aghaali okuleekaana okungi einho, nga amaiso ge agaali gaidhwire enaku gali kulingirira ekifo aghaali ekikolwa ekyali nga kitiisa inho.




Nga mutabane ali kufa! Omuzaire yali ni Maria, nga ayemereire kumpi n'ekifo ghe baali bakomerereire Yesu ku musalabba.




Ebyo byonabyona byaidhagho bitya? Yesu eyali n'obulamu obwali obulungi butyo mu kuboneka, kyaidha kitya ebyasembayo okuba ebibi bityo mu nsambo etiisa? Nga Katonda aganha atya Omwana we okukomererwa ku musalabba naafiira okwo?

3




Busa naire! Katonda tiyalemererwa. Yesu tiyakola kisobu kyonaknyona. Yesu ekiseera kyonaknyona nga akiidhi nga abantu ababi baja kumwita. Yesu ni bwe yali nga akaali mughere, omusaadha omukaire ole ye baayetanga Simeoni yali amaze okukobera Maria ati ghaaligho obughafu obwali buli emberi eyo.

4




Nga ghakaabulayo enaku ntono me Yesu aitibwe ghaaligho omukyala eyaidha naayugha omuzigo ogw'akaghoogho ku bigere bya Yesu. Abeegeresebwa ba Yesu baaduuduuma bati: "Omukazi ayonoine empiiya. Aye Yesu yaakoba ati akoze bulungi. Anziraige." Ebibono ebyo nga tibya buliidho!

5




Ekyo nga kighoire Yuda, owundi ku beegeresebwa ba Yesu, eikumi n'ababiri yaaganha okulya mu Yesu endyege amugheeyo eri ba kabona abakulu. Nga olw'ekyo baja kumusasula ebikutukutu bya feeza amakumi asatu (30).

6



Ku mbagha ey'Abayudaya ey'Okubitizibwa ni lwe yalya ku kiiwulo n'Abeegeresebwa be omukuzi ogwasembayo. Yaabakobera ebintu ku Katonda ebirungi einho ebyewuunhisa ni ku ebyo bye yasubiza abo abamugonza. Agho Yesu yaabagha omugaati boonaboona bagulyeku era n'ekikopo boonaboona bakinhweku. Nga ebyo byali bya kubaidhusanga nti omubiri gwa Yesu n'omusaayi gwe byagheebwayo okuleeta okusonyibwa okw'ebibi.

7




Agho Yesu yaakobera bakagwa be ati aja kuliibwamu endyege agheebweyo eri abazigu era abo bakagwa be balumukegho. Petero yeekalangula ati: "Nze tiidha kulumuka gho." Aye Yesu yaamukoba ati: "Enkoko enaaba ekaali kukolyoka nga oneegaaniire emikuzi esatu."

8



Olumaliira, mu bwire bwene obwo, Yesu yaja mu isamba e Gethisemane okusaba. Abeegeresebwa be yaja nabo baatenduka. Yesu yaasaba ati: "Wo Lata wange, ka ekikopo kino kinveeku. Aye ti nga nze bwe nhenda, aye kyoyenda kikolebwe."

9



Baaja okubona nga eikuukuubira ery'abantu libagwaku eyo mu isamba ye baali nga abembereiremu ni Yuda. Yesu ti yaghaaghaana, aye Petero yaasala ku kutu ow'owundi ku bantu abo. Kasirise, Yesu yaagema ku kutu ow'omusaadha oyo yaamughonia. Yesu yamanha nga okugemebwa kwe kwali mu kwenda kwa Katonda.

10




Eikuukuubira eryo lyatwala Yesu mu maka ag'Omukulu wa ba Kabona. Eyo Abakulembezi ab'Abayudaya ye baakobera bati Yesu agwaine afe. Petero yali ayemereire kumpi agho n'omuliro ogwabagheereza nga ali kulingirira.

11



Emikuzi esatu giti nga abantu beekalirisanga Petero era baamukoba bati: "Iwe walinga ni Yesu!" Emikuzi esatu giti nga Petero yeegaana nga Yesu bwe yamukoba ati kyaja okukola. Petero yaataaku n'okwefuugha, n'okulaira.


12



KO-KO-LIYOKO


Mu kaseera keene ako enkoko mwe yakolyokera. Gaali ng'oti mamiro ga Katonda eri Petero. Petero bwe yaidhukira ebibono bya Yesu, yaalira amaziga bubi inho.

13




Yuda yeena yawulira bubi inho. Yamanha nga Yesu yali aziraku kibi kyonaknyona oba omusango gwonagwona. Yuda yaizaayo ebikutukutu bire amakumi asatu (30) ebya feeza aye bakabona baaloba kubitwala. Yuda yaasuula empiiya ghanzi yaafuluma yaaja yeetuga.

14




Bakabona baatwala Yesu ye Pilate eyali omufuzi Omuroma. Pilate yaakoba ati: "Nze tibona musango ku musaadha ono." Aye Eikuukuubira beekalangula okwasikana bati: "Mukomerere! Mukomerere!"

15



Olumaliira lwa byonabyona, baikirizisa Pilate yaasalira Yesu ogw'okufa! Ate ku musalabba! Abasirikale baakuba Yesu, baamufuudha mu maiso, era baamuwaiga enkoba. Mu bukambwe bwenebwene baazinga agho ekintu eky'amawa amasongovu era amaleeyiriri baagamuhigiriza ku mutwe mbu ngule. Bwe baamala baamukomerera ku musalabba ogw'omuti afe.

16



Yesu ekiseera kyonaknyona yali akiidhi nga aja kufa mu nsambo eyo. Era yaakimanha nga okufa kwe kuja kuleetagho okusonyibwa okw'ebibi byabo abamwikiria. Ghaaligho abaiza emisango emibi einho babiri abaakomererwa naye ku buli luuyi. Owundi ku abo yaikiriza mu Yesu-omwoyo gwe gwatwalibwa mu kifo eky'okwesima. Aye owundi yaloberayo.

17



Olumaliira olw'esawa edhigheraku nga ali kudaazibwadaazibwa, Yesu yakoba ati: "Kighoire." Era yaafa. Omulimo gwe yagumaliriza. Bakagwabe baamuziika mu magombe ag'owundi ku beene abo.

18